

SAVOGNIN: Canorta Tgimirola

Las sfidas dalla Canorta Tgimirola



Igl mument responsablas per igl travagli della Canorta Tgimirola Savognin èn: (da san.) Daniela Spitznagel, Daniela Mareischen, Patrizia Plaz (manadra) e Stefania Gaglia (parciticanta).

pb. La Canorta Tgimirola a Savognin sa catta aint igl sies terz onn da travagi. Taimp da far bilantscha. La Pagina è sa scuntrada cun las dus commembras da suprastanza Monika Battaglia e Bettina Bergamin. Cun ellas tschartgainsa da dar raspostas a tschertas dumondas.

Scu vogl alla Canorta?

Monika Battaglia: Graztga ad en team fitg angaschea vainsa savia biagier se en travagi tgi è bagn mano. Igl genitours èn cuntas ed igl pi impurtant: igls unfants sa cattan bagn e vigan tgiros cun carezza.

Bettina Bergamin: Chegl tgi pertotga igl travagli vessan las cefras pero dad esser miglas.

Tge vot chegl deir concret?

Monika Battaglia: Nous tgiragn igl mument radond 19 unfants tgi èn tar nous tranter en mez de e dus anfingen treis deis. La mesemda ainten la gruppera da giuier vainsa 15 unfants.

Bettina Bergamin: Per tgi la canorta possa exister a lunga vista duvrainsa pero daples unfants. Graztga ad ena garanzeia da deficit ans vainsa savia sierar finanzialmaint per igls proxims treis onns. Nous lessan a lunga vista manar la canorta uscheia, tgi savagn star sen atgnas tgommas.

Vous s'angaschez tottas dus siva dalla partenza avant treis onns cun bler anim per igl bagnesser dalla canorta. Ia pains tgi chella lavour na saro betg adegna simpla?

Bettina Bergamin: Na, chegl constat. Siva dalla partenza ischans adegna puspe stadas confrontadas cun novas sfidas. Antschet ògl, tgi igl 2014 vainsa già pi pacs unfants tgi spitgia, tiers tgi ena evaluaziun digl basigns era stada fitg positiva. I vagn er già collaboratouras tgi èn



Unfants da differenta vigliadetna gioian ansemens e profitescan egn da l'oter per igl cumpartamaint social.